

石城縣志

光緒十四
年重修

石城縣志卷之四

江家桂分纂

經政志

學校

縣學舊在江頭鋪南

府志

元皇慶間隨縣遷於高峯鋪東黃

村天厯間仍隨縣遷於新和驛左

卽今縣治左阮通志張志

明洪武

間建在縣之西台九年知縣崔惟中作櫺星門立射圃

府志作元季兵燹明洪武間縣丞倪望知縣崔惟中重修

成化間遷西關外迴龍嶺

嘉靖二十年經厯邱君正改遷縣治西及軍所之間

直隸

進士戴嘉謨遷學紀石城高涼隸邑壤接雷陽去中州爲特遠學雖代建化未深洽土鮮有成我明御極敷教造士漸濡南海是故國初人才彬彬輩出幾與中州等天順成化閒篠人弗靖鬻毀兵燹重建之未幾徙西關隘陋不稱尋亦就頽人才日以剝落志士憂之莫有任其事者嘉靖壬寅春經厯邱君正司神電來署邑事巡按澤山姚公適按臨分守參政獅峯周公知府麗山李公通判宋君邦俊朱君藩推官陳君應辰咸以職事至

暨學生謝希朱等因以改建請乃下分守議旣而申呈
提督少司馬半州蔡公分巡僉事少峯周公先後報可
事成於同而敗於異自古則然石土其有遭哉先是獅
峯躬自登城覽山川之勝於邑治之西定厥址焉君正
遂慨然以爲己責爰於九月之吉鳩工首事卽其地平
治之凡四越月殿廡堂齋煥然一新門牆庖湑以次落
成過者於是乎改觀矣予以言獲罪轉徙高涼誤蒙當
道委署雷事君正乃輕數百里偕教諭尤舜俞訓導蘇
哲庠生崔汝能毛鸞輩羣謁堂下以記屬嘉其用意勤
也遂弗果辭適有挈雷陽志示余者偶一披之獲覩南
軒所爲學記不覺欣然以喜則記斯學又安用他求哉
夫學以明人倫而孝弟人倫之大者孟子云謹庠序之教
申之以孝弟之義此固南軒爲記所自出而要之孝弟
根於恒性之仁仁則萬善之長合聖愚而一之者也士
患無以是說啟之者苟朝夕講明之將由庸行之切近
者體驗擴充恒性存存而道義出家國天下則舉而措
之耳雖窮達利鈍有非在我之所能必然其具在我達
足以紹張余二公之芳烈窮亦不失爲潘孝子鄉人矣
何人才國初之難復哉矧搖亦人類均有孝悌之心聞
風未有不興起焉者又何弗靖之足慮哉昔僖公之修
泮宮詩人頌之有曰旣作頤宮淮夷攸服美其足
以服強梗非徒懷良善而已試以是役卜之也 萬厯

十一年仍復西台舊址四十四年知縣俱夢騶重修天

啟七年丁卯移於台右立向子午

府志云改建於崇聖祠移崇聖祠於明倫

堂後

國朝

康熙十二年癸丑知縣李琰捐銀四百兩在洪武時舊處

鼎建改壬山丙向兼亥己

學道遲煊碑記 有二年文命敷於四海臣受

命敷教者直省各一人予以地官郎 命晉粵東學

使既視事不宣 天子右文至意粵士無不蠅奮鵲起

沐浴歌詠以幾雅化而吏其土者則以學校廢興報稱

殿最有司蓋懍懍焉石城高六屬之一瀕於海去省會

以稍遠聲教猶慮弗及明年春往校高州石城博士弟

子員例進謁從容彬彬動止不愆於儀竊心喜迄讀其

文則典以約無愧先型士如是是亦足矣非有父生師

教歲月漸摩之能不易致也邑子衿暨邑父老以學宮

新成聞具道其學之所以成爲邑令李琰治邑惟謹間

民之力而得其理使一邑各欣然有崇儒敬道之心則

令之爲學宮地者固裕也令爲高陽右族於今相國公

稱小阮相國佐 兩朝以襄文治誠當代文人領袖其

爲漸摩天下者實深且久令能以其家學身體力行以

漸摩乎一邑治無論大小其有裨於斯文者未嘗不合

也而令猶遜謝不遑豈非所稱德讓君子耶夫古者建國居民教學爲先易曰觀乎人文以化成天下知化之所由成則知化之所由始蓋學校者王政之本學校不興則人倫不著人倫不著則民俗士行必且流爲寡廉鮮恥規矩改錯不離經叛道不止此豈邑之幸歟今一旦革故鼎新梓材丹雘視昔有加則人知敬學比戶絃歌庶幾聲名文物霧湧雲蒸而况砥行勵節崇禮樂敦教化朝廷尤嘉賴之李令賢乎哉壽諸石以爲後世良有司法邑令李瑑記粵東之有石邑亦泰山之於邱垤也俗近樸邁觀其學校則駸駸乎見文明之化台星綴垣雲漢章天噫孔子之道在焉於小中見大矣余奉命來治茲土時懷祖若父遺訓簿書之餘延接諸士每勸以崇道敬師諸大意亦欲昭聖教正人心毋使江河日下而赤狐黑鳥徒存一獐然面目也或謂惟古帝堯時際午會故大道獨行於三代夫子有志猶未逮今憂憂乎以文易世不幾難歟不知治有盛衰而聖人之道則無時而不然風氣不能囿于戈不能亂天生夫子於春秋正以末流砥也卽以粵論在昔尉陀椎結今爲鄒魯縫掖矣鴟食桑椹慰我好音猗歟休哉今聖御極有年宵旰憂勤思興文治惻惻然無非此意甯遣一石邑耶余於朔望謁廟徘徊四顧感懷桷之微朽欲起而更新之因集諸弟子而議改作咸答曰時孔艱仍舊修之易爲力又有起而言曰地宜就下數步移於左則吉惟恐煩費而力不副余曰無慮事誠在我於

是庀材鳩工捐俸從事 聖宮仍照萬厯年基向明倫
堂移諸右董其事則邑庠謝嶠黎民止督工則典史來
民服驛丞張名達爰諏日乃癸丑初冬定之方中時也
七閱月而工告竣自是而觀泰山巍巍煥乎文明一新
云異日檜幹參天杏枝秀日多土有繼先達而奮興者
平余雖不敏願與諸子相與有成始終不忘爾預肅斯
言爰貞
諸石 二十四年知縣白玠訓導蔡叔度合紳衿修築

照牆於黉門外二十五年署知縣周宗臣教諭梁繼鳴

訓導蔡叔度合紳士倡捐修築泮池在黉門內乾隆二

十二年知縣顏煌重建改壬山丙向兼子午四十年知

縣喻寶忠訓導黃紹統合紳士捐修基址仍舊移置名

宦鄉賢兩祠於戟門左右喻寶忠重修學宮序石邑學
宮前明屢遷不一 國朝舊

令李公遷復今所枕台山而襟羅水屹然壯觀百餘年
閒幾經修葺規模如昨甲午仲秋八日颶風震發殿廡
牆宇半就傾頽前署令馬君與司訓黃君集諸紳士謀
釀金以鼎新之議未成而馬君奉調去乙未九月余甫
下車入廟釋菜惜斯役之不早就也首倡捐俸與黃君
暨紳士復申前議即以十月三日鳩工基址如故而易

置名宦鄉賢兩祠視舊爲得所焉工未竣適都閫府孟公蒞任留心文教復捐資勸事而事遂藏矣是役也董其事者黃君襄厥成者曹璽全朝珩黃五十七年新開鐘論黃詔興全保謹勒石以志不朽云

學路

校開學路記斯世之盛衰視風俗風俗之盛衰視學

人敦儒術流蔡之地變爲冠裳至明初永樂戊子而六

鳳連飛盛亦云極矣國朝以來科第數十餘年寥寥

乏人又何衰也此雖士子不肯下帷咕嗶亦由學宮茂

草義路阻塞講案無地所致也本縣於五十七年四月

朔爰進兩學師並紳衿謀之於學南開青雲路買貢生

蕭蒲地一區生員梁衍泗一區又李勝新房一座皆捐

俸各給價值數千直通中衢從此禮門義路煥然可觀

有司之展拜有途諸生之聚業有地返往日之積衰復

先朝之涌盛是在諸生之改行率德稽古勤修勉強以

致之耳學前自當起大成坊一座以壯觀瞻當耕務未

息大雨時行今非嘉慶五年署縣杭喻義署教諭潘逢

其時尙待之後日

年訓導李瑩書倡捐重修明倫堂十六年署縣鄭域輪

教諭招起元訓導饒鴻勳合紳士重修廟制不改

光四年知縣李憬重修殿廡及櫺星門泮池圍牆

張志

李憬碑記

從來神聖功程所成皆有數存其中亦以人心之鼓舞爲之也邑之文廟在縣署之西學宮之前舊制規模宏廠殿宇嚴凝至肅也甲申之嘉平月念七日大殿東北角崩余與司鐸韓照堂先生曾視山先生入廟悉視之良緣風雨瀟晦蟲蟻齧蝕木料半腐朽而前後亦多破壞焉因歎功程浩大相與籌議者久之邑人孝廉公李樸園商之兩學師倡爲題捐之說余以石僻邑也職官無多士皆寒素縱各爲捐輸竊恐驟難成腋而諸紳士急公恐後彼此勸勉凡有志進取者無不竭力資助不數月已有成數於乙酉六月初八日興工上自啟聖宮大成殿皆式廓增高暨兩廡櫺星門泮池圍牆莫不功歸實際財不虛糜所謂闕宮有伽其實枚枚者此也夫眾志之踴躍可成事於刻期一心之精誠能乞靈於呵護當大殿傾圮之時幾於妥侑無所諸君子竭力匡襄克成厥功集當羣議首爲倡舉者見其大也墊用支給不自吝惜者識其正也鳩工庀材不辭勞瘁者力之果也分段捐修克成厥終者志之毅也幸觀厥成堂基不煥神所憑依亦其福汝異日者人文蔚起科第聯繹皆此誠之所能格而啟佑正无疆也卜工於乙酉之六月卒事於丙戌之三月凡十月而告成神人共慰士庶歡騰因爲紀其事而嘉厥成焉是爲序

二十七年爲颶風所壞二十

八年知縣程志簠修復

程志簠記石城縣學始自江頭鋪南其後屢變屢遷至我朝

而經略始備前令李公喻公均革故而鼎新之道光丁未秋颶風發侵及父廟棟橈榱折瓦石俱裂諸紳士咸惻然以爲憂是歲臘余攝篆是邑見之且轉爲賀之有問於余者曰家之塾黨之庠術之序國之學綱常是賴名教攸關隆弗舉是可憂也何賀爲余曰不然天下事不有廢何有興消長盈虛古今不殊其理今天之震動我邑者安知非造物故爲摧折以爲風運之一大轉機乎迨與語舉欣然捐資歛財踴躍趨事謀之司教江君司訓邱君卜於戊申孟秋念二而功以始相與循其故址鳩工庀材不待採山而丈梁勁榑合杳四集於是結桴增焚攻木礮石塗墍設飾之工爭出其巧缺者增隘者廣凡名宦之在門左鄉賢之在門右均無不煥然一新焉雖工費浩繁簿書旁午弗計也是役也董其事者矢公矢慎又有諸君相與交襄協贊不數月而適觀厥成余乃集諸紳士入廟瞻拜益相對欣然懌於心見於色因手筆而謹誌諸石

同治十三年

重修櫺星門

採訪

光緒三年知縣奎成合紳士修明倫堂

十二年重修鳳閣工料在小賓興項下動支

冊檔

今制坐

壬向丙

大成殿居中南嚮覆黃琉璃瓦門楹皆丹雘

前爲露臺兩腋爲東西廡東廡下爲祭器庫西廡下爲

樂器庫中有戟門左爲名宦祠右爲鄉賢祠左橫接更衣廳右橫接省牲所兩邊週以圍牆中有泮池下則櫺星門左出爲聖域門右出爲賢關門繞以闌干外空地爲照牆 正殿後爲崇聖祠正殿西爲明倫堂後爲訓導署堂右爲西齋舊署地一所先年守備謝天恩起屋罩去屋簷牆後橫一段東直一帶正殿左爲教諭署下有東齋舊署地一所自街而一丈餘東至小巷止因天啟七年改向與廩生全若彝兌西邊地開泮池今改回原址 參張志採訪凡歲春秋釋奠於 先師之禮以四配十二哲侑饗殿中以先賢先儒從祀兩廡

大成殿正位南嚮

至聖先師孔子

字仲尼魯人周靈王二十一年庚戌卽魯襄公二十二年十月庚子日生今之八月二十

七日是也周敬王四十一年壬戌卽哀公十六年四月十八乙丑日卒壽七十三歲

東配位西嚮

復聖顏子

名回字子淵魯人少孔子三十歲

述聖子思子

名伋字子思伯魚之子孔子之孫受業於曾子

西配位東嚮

宗聖曾子

名參字子輿白水碑陰作子輿魯南武城人年十六受業於孔子少孔子四十六歲

亞聖孟子

名軻字子輿漢書注云字子車鄒人受業於子思

東哲位西嚮

先賢閔子

名損字子騫魯人少孔子十五歲列東哲第一位

先賢冉子

名雍字仲弓魯人伯牛之宗族少孔子二十九歲列東哲第二位

先賢端木子

名賜字子貢禮記作贛聖門志河南衛輝府人少孔子三十一歲列東哲第三位

先賢仲子

名由字子路一字季路魯之卞人卽今泗水縣少孔子九歲列東哲第四位

先賢卜子

名商字子夏衛人檀弓疏魏人少孔子四十四歲列東哲第五位

先賢有子名若字子有魯人少孔子十三歲列東哲第六位

西哲位東嚮

先賢冉子名耕字伯牛白水倉頡碑作百牛聖門志鄆城人列西哲第一位

先賢宰子名子字子我魯人列西哲第二位

先賢冉子名求字子有魯人仲弓之宗族少孔子二十九歲列西哲第三位

先賢言子名偃字子游石經作旂檀弓注疏別字叔氏吳人家語作魯人少孔子四十五歲列西哲第四位

先賢顓孫子名師字子張陳人少孔子四十八歲列西哲第五位

先賢朱子名熹字元晦一字仲晦號晦庵諡曰文宋徽州婺源人列西哲第六位

東廡先賢位西嚮

先賢公孫僑字子產鄭人原西廡同治二年改移東廡第一位

先賢林放字子邱魯人原西廡同治二年改移東廡第二位

先賢原憲 字子思家語作宋人鄭康成注魯人聖門志河南歸德商邱人檀弓作仲憲少孔子三十六歲

列東廡第三位

先賢南宮适 史記作括家語曲阜碑朱考俱作緇字子容諡敬叔魯人孟僖子之子懿子之兄居南宮

因以為氏列東廡第四位

先賢商瞿 字子木聖門志曲阜人少孔子二十九歲列東廡第五位

先賢漆雕開 漢書人表作漆雕啟史記因避景帝諱改作開字子若史記作子開白水碑作子修家語

曲阜碑朱考作蔡人鄭康成曰魯人少孔子十歲列東廡第六位

先賢司馬耕 家語作司馬犁耕字子牛宋人桓魋之弟列東廡第七位

先賢梁鱣 一作鯉字叔魚曲阜碑字子魚咸淳志字子免齊人聖門志兗州府人少孔子二十九歲列東

廡第八位

先賢冉孺 家語曲阜碑作冉儒字子會一作子魚魯人少孔子四十六歲列東廡第九位

先賢伯虔 古本家語作伯處史記字子析曲阜碑作子析今本家語作子楷魯人少孔子五十歲列東廡

先賢冉季

字子產一字子達
列東廡第十一位

先賢漆雕徒父

家語作從父字子文
史記作子有杭碑作
子期或云子友魯人
列東廡第十二位

先賢漆雕哆

字子斂曲阜碑作子敏
或作子敘魯人列東廡
第十三位

先賢公西赤

字子華魯人少孔子四十
二歲列東廡第十四位

先賢任不齊

字子選楚人史記作魯人
聖門志湖廣荊州府人
列東廡第十五位

先賢公良孺

家語作孺字子正陳
人列東廡第十六位

先賢公肩定

史記作公堅定字子中
家語作子仲或作子
忠魯人或曰衛人或曰
晉人列東廡第十七

位

先賢鄒單

一作鄒單字子家魯人
一作衛人家語不載列
東廡第十八位

先賢罕父黑

今本家語作宰父黑古
本家語史記皆作字子
索或作子素魯人列東
廡第十九位

先賢榮旂

家語作祈一作祁一作
期字子期旗杭碑作子
祺古本家語作子顏魯
人列東廡第二十位

先賢左人郢

家語作左郢或曰左人復姓字子行宋高宗曲阜碑作子衡先賢像贊碑無子字魯人列

東廡二
十一位

先賢鄭國

字子徒魯人一作宋人家語云薛邦字子從史記作國避高祖諱也薛與鄭字誤耳列東廡第

二十
二位

先賢原亢

本古本家語作原亢字子籍或作子杭魯人列東廡第二十三位

先賢廉潔

史記家語宋高宗先賢像贊碑潔俱作絜字子庸家語作子曹宋高宗先賢像贊碑無子字衛

人古史作齊人列
東廡第二十四位

先賢叔仲會

文翁圖會作噲字子期魯人史記作晉人少孔子五十四歲與孔璇年相比二人迭侍孔

子左右執筆記事列
東廡第二十五位

先賢公西輿如

家語曲阜碑作公西輿字子尙聖門志兗州府人列東廡第二十六位

先賢邾巽

家語作邾選字子飲或作子歛魯人列東廡第二十七位

先賢陳亢

字子亢一作字子禽家語又字子元陳人少孔子四十歲列東廡第二十八位

先賢琴張

又名牢字子開一字子張家語云字子牢衛人列東廡第二十九位

先賢步叔乘

本家語史記廣韻注作少叔乘朱考從之字子車齊人列東廡第三十位

先賢秦非

字子之魯人曲阜碑作秦人列東廡第三十一位

先賢顏噲

字子聲魯人列東廡第三十二位

先賢顏何

字子冉魯人列東廡第三十三位

先賢縣亶

字子象魯人索隱作縣豐廣韻注作縣亶父列東廡第三十四位

先賢牧皮

力牧之後原西廡同治二年改移東廡三十五位

先賢樂正克

魯人福山注云周人孟子弟子列東廡第三十六位

先賢萬章

宋人一作齊人孟子弟子列東廡第三十七位

先賢周敦頤

字茂叔號濂溪諡元宋道州營道人世稱濂溪先生列東廡第三十八位

先賢程顥

字伯淳諡純公宋河南洛陽人與弟頤同受業於周茂叔世稱明道先生列東廡第三十九位

先賢邵雍

字堯夫諡康節宋范陽人後徙河南自號安樂先生列東廡第四十位

西廡先賢位東嚮

先賢蘧瑗

字伯玉魯人曲阜碑作衛人淮南子蘧作據原東廡同治二年改移西廡第一位

先賢澹臺滅明

字子羽魯武城人少孔子三十九歲原東廡同治二年改移西廡第二位

先賢宓不齊

字子賤魯人少孔子四十九歲宓同伏生其後也列西廡第三位

先賢公冶長

古本家語作萇范甯云名芝字子長白水碑作子之釋文作子張家語云魯人朱考同史

記云齊人列西廡第四位

先賢公皙哀

皙或作析哀或作尅家語作公皙克字季次齊人家語字季沈魯人列西廡第五位

先賢高柴

字子羔史記作子皋一作季羔一作子墨史記鄭康成俱作衛人家語云齊人列西廡第六位

先賢樊須

字子遲齊人家語朱考俱作魯人樊皮之後少孔子三十六歲列西廡第七位

先賢商澤

字子季家語作子秀魯人列西廡第八位

先賢巫馬施

家語施作期史記作字子旗曲阜碑朱考家語俱作子期鄭康成曰魯人聖門志開封府

陳州人少孔子三十六歲列西廡第九位